

## ঢাকা বিশ্ববিদ্যালয় রোভার স্কাউট গ্রুপ (১৯৬৬)

স্কাউটিং একটি স্বেচ্ছাসেবামূলক, অরাজনৈতিক ও শিক্ষামূলক যুব আন্দোলন যা ধর্ম, বর্ণ, গোত্র, লিঙ্গ নির্বিশেষে সকল শিশু, কিশোর-কিশোরী ও তরুণ-তরুণীর জন্য উন্মুক্ত। শিশু, কিশোর-কিশোরী ও তরুণ-তরুণীদের শারীরিক, মানসিক/আবেগিক, আধ্যাত্মিক, বুদ্ধিবৃত্তিক ও সামাজিক গুণাবলীর উন্নয়ন ঘটিয়ে তাদেরকে চরিত্রবান, দক্ষ ও আত্মনির্ভরশীল আদর্শ নাগরিক হিসেবে গড়ে উঠতে সহায়তা করাই স্কাউট আন্দোলনের মূল উদ্দেশ্য। স্কাউট আন্দোলনের বয়োজ্যেষ্ঠ শাখার নাম রোভার স্কাউট, যা কলেজ ও বিশ্ববিদ্যালয় পড়ুয়া তরুণ-তরুণীদের নিয়ে পরিচালিত হয়। এটি বিশ্বের সর্ববৃহৎ যুব আন্দোলন যার ২২৩টি দেশে ৪ কোটিরও বেশি সদস্য রয়েছে।

ঢাকা বিশ্ববিদ্যালয় রোভার স্কাউট গ্রুপ প্রতিষ্ঠালগ্ন থেকে বাংলাদেশে স্কাউট আন্দোলনে অত্যন্ত গুরুত্বপূর্ণ ভূমিকা পালন করে আসছে। ষাটের দশকের প্রথম দিকে প্রতিষ্ঠিত হলেও ১৯৬৫-৬৬ শিক্ষাবর্ষে রোভার সহচরদের দীক্ষা প্রদানের মাধ্যমে গ্রুপটির কার্যক্রমে গতিশীলতা আসে। তৎকালীন পাকিস্তানে যেসব উচ্চ শিক্ষা প্রতিষ্ঠানে রোভার স্কাউটিং শুরু হয়েছিল, তার মধ্যে ঢাকা বিশ্ববিদ্যালয় অন্যতম। ১৯৬৭ সালে করাচী বিশ্ববিদ্যালয় ক্যাম্পাসে অনুষ্ঠিত ৪র্থ পাকিস্তান জাম্বুরিতে অংশগ্রহণকারী এই দলের ৪ জন রোভারের কর্মতৎপরতা জাম্বুরির সকল কর্মকর্তা ও স্কাউটদের প্রশংসা অর্জন করে। সত্তরের দশকে ঢাকা বিশ্ববিদ্যালয় রোভার স্কাউট গ্রুপ মানিকগঞ্জের দশচিড়া গ্রামে একটি সমাজ উন্নয়নমূলক কার্যক্রম শুরু করে। সে সময় বিশ্ব স্কাউট সংস্থার নেতৃবৃন্দ বাংলাদেশ স্কাউটসের কর্মকর্তাদের সাথে নিয়ে দশচিড়া প্রকল্প দেখতে আসেন। বিগত কয়েক দশক যাবৎ ঢাকা বিশ্ববিদ্যালয় রোভার স্কাউট গ্রুপ ক্যাম্পাস ও ক্যাম্পাসের বাইরে বিভিন্ন আত্ম-উন্নয়ন, সমাজসেবা ও সমাজ উন্নয়নমূলক কার্যক্রম চালিয়ে আসছে যা স্থানীয়, জাতীয় ও আন্তর্জাতিক পর্যায়ে প্রশংসিত হচ্ছে। বর্তমানে গ্রুপটির দৈনিক ইউনিটের অধীনে দু'শতাধিক প্রশিক্ষণপ্রাপ্ত রোভার স্কাউট রয়েছে। এখন অবধি এই গ্রুপ থেকে ২১ জন কৃতি রোভার স্কাউট “প্রেসিডেন্টস রোভার স্কাউট (পিআরএস) অ্যাওয়ার্ড” অর্জন করেছে। ২০১৬ সালে গ্রুপটির সুবর্ণজয়ন্তী উদযাপিত হয়েছে।

### সাংগঠনিক কাঠামো (জুলাই ২০১৭ থেকে)

প্রধান পৃষ্ঠপোষক	: অধ্যাপক ড. আ আ ম স আরেফিন সিদ্দিক, উপাচার্য, ঢাকা বিশ্ববিদ্যালয়
সভাপতি	: অধ্যাপক ড. মো. আখতারুজ্জামান, প্রো-উপাচার্য (প্রশাসন), ঢাকা বিশ্ববিদ্যালয়
সহ-সভাপতি	: অধ্যাপক ড. মো. কামাল উদ্দীন, কোষাধ্যক্ষ, ঢাকা বিশ্ববিদ্যালয়
স্কাউট উপদেষ্টা	: অধ্যাপক ড. কে এম মোহসীন অধ্যাপক মো: রমজুল হক
সম্পাদক ও প্রধান রোভার স্কাউট লিডার	: অধ্যাপক ড. এ কিউ এম মাহবুব, ভূগোল ও পরিবেশ বিভাগ
কোষাধ্যক্ষ ও রোভার স্কাউট লিডার	: জনাব মাহমুদুর রহমান, সহকারী অধ্যাপক, ইসলামের ইতিহাস ও সংস্কৃতি বিভাগ
রোভার স্কাউট লিডার	: জনাব মো. মুমিত আল রশিদ, সহকারী অধ্যাপক, ফারসি ভাষা ও সাহিত্য বিভাগ ড. ফাতিমা আক্তার, সহকারী অধ্যাপক, ভূগোল ও পরিবেশ বিভাগ

### রোভার ডেন (কার্যালয়)

ছাত্র-শিক্ষক কেন্দ্রের ২য় তলায় (পশ্চিম পাশ) রোভার ডেন অবস্থিত। রোভার ডেন সপ্তাহে ২ দিন খোলা থাকে। সাপ্তাহিক ট্রু-মিটিং প্রতি বৃহস্পতিবার (৪টা-৬টা) এবং সাপ্তাহিক মেট মিটিং প্রতি সোমবার (৪টা-৬টা) অনুষ্ঠিত হয়। সাপ্তাহিক ট্রু-মিটিং ছাত্র-শিক্ষক কেন্দ্রের পুরাতন সুইমিং পুল চত্বরে অনুষ্ঠিত হয়। গ্রুপের সার্বিক কার্যক্রম পরিচালনা করার জন্য রোভার স্কাউট লিডার কাউন্সিল ও মেট কাউন্সিল রয়েছে।

### রোভার স্কাউট বৃত্তি

প্রতি শিক্ষাবর্ষে ৫০ জন কর্মতৎপর রোভার স্কাউটকে রোভার স্কাউট বৃত্তি প্রদান করা হয় এবং ১০০ জন রোভার স্কাউটের বেতন মওকুফ করা হয়। এর পাশাপাশি প্রতি শিক্ষাবর্ষে ৩ জন রোভার স্কাউটকে মোহাম্মদ শাহজাহান এন্ড সায়েরা শাহজাহান ট্রাস্ট ফান্ড বৃত্তি প্রদান করা হয়।

## কার্যক্রম

ঢাকা বিশ্ববিদ্যালয় রোভার স্কাউট গ্রুপ বছরব্যাপী নানাবিধ কার্যক্রম আয়োজন করার পাশাপাশি বিভিন্ন কার্যক্রমে অংশগ্রহণ ও স্বেচ্ছাসেবা প্রদান করে। যার মধ্যে উল্লেখযোগ্য হচ্ছে-

**অভ্যন্তরীণ কার্যক্রম :** ক্রু-মিটিং, মেট মিটিং, আরএসএল মিটিং, অরিয়েন্টেশন প্রোগ্রাম, বার্ষিক তাঁবুবাস ও দীক্ষা প্রদান অনুষ্ঠান, বার্ষিক স্তরভিত্তিক মূল্যায়ন কার্যক্রম, ব্যাজ প্রদান অনুষ্ঠান, লগ বই লিখন কর্মশালা, অফিস ব্যবস্থাপনা বিষয়ক শর্ট কোর্স, শীতবস্ত্র বিতরণ, অমর ২১শে ফেব্রুয়ারি উদযাপন, ঢাকা বিশ্ববিদ্যালয় দিবস উদযাপন, স্বাধীনতা দিবস উদযাপন, বিজয় দিবস উদযাপন, পহেলা বৈশাখ উদযাপন, ইউনিটভিত্তিক ভর্তি পরীক্ষায় সেবা প্রদান, ভিটামিন এ প্লাস ক্যাম্পইন, র‍্যাশলিং, পরিস্কার পরিচ্ছন্নতা অভিযান, বৃক্ষরোপণ অভিযান, দেওয়াল পত্রিকা প্রকাশ, কুইজ প্রতিযোগিতা, রচনা প্রতিযোগিতা, বিতর্ক প্রতিযোগিতা, খাদ্যে ভেজাল বিরোধী আন্দোলন, ফাস্ট রেসপন্ডার্স ট্রেনিং, বার্ষিক শিক্ষা সফর, বার্ষিক ইফতার মাহফিল ও স্কাউট ওন, আন্তর্জাতিক শিক্ষা সফর, বিপি দিবস, স্কাউট সপ্তাহ, ক্যাম্পাস ভিত্তিক বিভিন্ন কার্যক্রমে সেবা প্রদান প্রভৃতি।

**বহিঃ কার্যক্রম :** মেট কোর্স, বেসিক কোর্স, এ্যাডভান্সড কোর্স, স্কিল কোর্স, দুর্যোগ ব্যবস্থাপনা কোর্স, বিদ্যুৎ ক্যাম্প, কৃষি ক্যাম্প, বিটিভির অগ্রদূত প্রোগ্রামে অংশগ্রহণ, হজ্জ ক্যাম্প সেবা প্রদান, মহাসড়কে সেবা প্রদান, জেলা রোভার মুট, আঞ্চলিক রোভার মুট, জাতীয় রোভার মুট, জাতীয় কমডেকা, দক্ষতা কোর্স, জোটা-জামুরি অন দ্যা এয়ার, জোটা-জামুরি অন দ্যা ইন্টারনেট, জাতীয় আয়কর মেলায় সেবা প্রদান, অনুষ্ঠান উপস্থাপনা কোর্স, সংবাদ পাঠক কোর্স, আইসিটি ক্যাম্প, এ্যাডভেঞ্চার ক্যাম্প, প্রোগ্রাম ও সমাজ উন্নয়ন (সিডি) অ্যাওয়ার্ড কর্মশালা, 'অগ্রদূত' সংবাদদাতা কর্মশালা, বিশ্ব স্কাউট জামুরি, বিশ্ব স্কাউট কনফারেন্স, বিশ্ব স্কাউট ইয়ুথ ফোরাম, বিশ্ব স্কাউট মুট, এশিয়া-প্যাসিফিক স্কাউট জামুরি, এশিয়া-প্যাসিফিক স্কাউট কনফারেন্স, এশিয়া-প্যাসিফিক স্কাউট ইয়ুথ ফোরাম প্রভৃতি।

## সদস্য সংগ্রহ

অফিস চলাকালীন সময়ে নির্ধারিত আবেদনপত্র পূরণ করে 'সহচর' হিসেবে ঢাকা বিশ্ববিদ্যালয়ে ১ম/২য়/৩য় বর্ষে অধ্যয়নরত শিক্ষার্থীবৃন্দ ঢাকা বিশ্ববিদ্যালয় রোভার স্কাউট গ্রুপের কার্যক্রমে অংশগ্রহণ করতে পারবে। 'সহচর' হিসেবে ভর্তির ৩-৬ মাসের মধ্যে আনুষ্ঠানিকভাবে দীক্ষা প্রদানের মাধ্যমে সহচরদের ঢাকা বিশ্ববিদ্যালয় রোভার স্কাউট গ্রুপের সদস্য করে নেয়া হয়।

**যোগাযোগ :** রোভার ডেন, ছাত্র-শিক্ষক কেন্দ্র (২য় তলা-পশ্চিম পাশ), ঢাকা বিশ্ববিদ্যালয়, ঢাকা-১০০০

টেলিফোন : ৯৬৬১৯০০-৭৩ এক্স: ৪৭০০

ই-মেইল : [roverscoutgroup@du.ac.bd](mailto:roverscoutgroup@du.ac.bd)

ওয়েবসাইট : [http://www.du.ac.bd/main\\_menu/co\\_curricular](http://www.du.ac.bd/main_menu/co_curricular)

ফেসবুক : [www.facebook.com/groups/DUroverscout](http://www.facebook.com/groups/DUroverscout)